

Vest-Telemarkrådet
Kviteseidgata 18
3850 Kviteseid
post@vt-radet.no

Dykkar ref:	Vår ref:	Arkiv:	Stad/dato:
Att: Anne Aasmundtveit	Tone Skau Jonassen		Rauland 16.02.2022

Høyringsuttale - Felles klimaplan for Vest-Telemark

Rehabiliteringssenteret AiR finn det svært positivt at det no lagast ein felles klimaplan for Vest-Telemark med ein handlingdel. Bevaring av naturrikdomen og reduksjon av klimagass utslepp gjeng på tvers av kommunegrenser og verksemder. I den samanheng er det viktig med samhandling, tydeleggjering av ansvar og målbare mål.

Dei utsende høyringsdokumenta har vore drøfta i miljøgruppa og er forankra i leinga ved AiR

Når me ser heile planen og tiltaksdelen under eit, så manglar det ein raud tråd. Dvs. etter vår vurdering er det ikkje tilstrekkeleg samanheng mellom bakgrunn for å gjennomføre tiltak, og tiltaka som blir foreslått i handlingsplanen.

Me har følgande konkrete innspel til dei ulike delane:

Klimaplanen:

- Den grunngeve godte behovet for å gjennomføre tiltak, og me støttar dei utvalde berekraftsmåla for Vest- Telemark.
- Klimaplanen kan med fordel strammast opp, og gjerast betre tilgjengeleg t.d. med eit samandrag og oppdatering av sidetala slik at dei stemmer overeins med sidetala under innhald.

Handlingsplanen og dømme på tiltak:

- Handlingsplanen manglar etter vår vurdering ei tydeleggjering av ansvar, når tiltaka skal gjennomførast og målbare mål. Me saknar og synleggjering av at fleire av tiltaka krev samhandling mellom frivillige organisasjonar, private og offentlege verksemder.



Arealforvaltning:

- I fyrste og tredje strek pkt. bør også private verksemder/næringsliv leggjast til som ansvarlege eller medansvarlege. Alle som eig og driftar eigen eigedom har eit ansvar for å ta vare på naturrikdommen, førebyggje skade som fylgje av klimaendringane og redusere bruken av jord med torv.

Jordbruk

- Forslag til nytt tiltak: Private verksemder bør prioritera å kjøpe lokalprodusert mat. Ansvarlege: Private verksemder

Sirkulærøkonomi og avfall

- I fyrste strek pkt. bør også private verksemder/næringsliv leggjast til som ansvarlege eller medansvarlege. Alle som leverer tenester og driftar eigen eigedom har eit ansvar for å leggje til rette for sirkulær bruk av ressursar og auke graden av gjenbruk.

Transport

- Endring av siste strek pkt./tiltak: Redusere køyringa til samlingar og møte for tilsette ved å legge til rette for samkøyring og digitale møte. Ansvarlege: kommunane og private verksemder/næringsliv.
- Forslag til nytt tiltak: Arbeide for betre kollektivtilbod mellom lokalsentra i kommunane og stimulere til auka bruk av kollektivtransport. Ansvarlege: Kommunane, private verksemder/næringsliv, frivillige lag og foreiningar.

Offentlege innkjøp

- Dette tiltaksområdet kan med fordel døypast om til Innkjøp, eventuelt leggje til tiltak der dei private verksemdene/næringslivet har eit handlingsrom.
- Fleire av dei tiltaka manglar kven som er ansvarlege for gjennomføring. Dette må endrast.
- Forslag til nye tiltak:
 - Private verksemder bør innarbeide klima- og miljøomsyn i anskaffingar og kontraktsmalar. Ansvarleg: Private verksemder/næringsliv
 - Private verksemder bør sette krav til miljøsertifiserte leverandørar av varer og tenester, og til lågt klimafotavtrykk. Ansvarlege: Private verksemder/næringsliv
- - Bruk av energikjelde med lågt klimafotavtrykk bør vurderast i alle private næringsbyggeprosjekt. Ansvarlege: Private verksemder

Enøk

- I ljøs av dei auka straumprisane meiner me at det også er mykje å hente her for private verksemder. - Sjølv om detta kan liggje utanfor kommunanes myndigheitsområde.
-

- Forslag til endring av tiltak fyrste strek pkt.: Vurdere å installere energifleksibelt lågtemperatur varmeløysing (vannboren) basert på fornybare energikjelder med lågt klimafotavtrykk i alle kommunale og private næringsbygg ved større rehabilitering. Ansvarlege: kommunane og private verksemdar/næringsliv
- Forslag til endring av tiltak tredje strek pkt. - Tilby rådgjeving om fornybare og energieffektive løysingar, energisparingstiltak og støtteordningar til bustadeigarar og eigarar av private næringsbygg. Ansvarlege: kommunane, Vest-Telemark Kraftlag AS og Rauland Kraft AS

Rehabiliteringssenteret AiR ynskjer Vest - Telemarkrådet lukke til med bevaring av naturrikdommen og reduksjon av klimagass utslepp. Og me ser fram til å jobbe vidare med gjennomføringa av tiltak i eiga verksemd.

Med venleg helsing



Svein Kostveit

Direktør

Kopi: Vestfold og Telemark fylkeskommune, Fyresdal Kommune, Kviteseid kommune, Nissedal kommune, Seljord kommune, Tokke kommune og Vinje kommune.
